

omnes quibus sanum est judicium, fatebuntur, et spero nullum juste clamaturum frustra nos post tantos viros scrisisse, et si fatear quod bene dixerunt quæ dixerunt, sed utilitati consulere publicæ volui, non mei nominis gloriæ, ad quam me nihil dixisse bene videbit tua paternitas. Cupio enim instituere medicum, sanis conservare valetudinem bonam, non sanis, amissam restituere commode. Et propter hanc causam tam diligenter dixi morbo-

A rum causas, et eorum naturas, significaciones quoque et accidentia: his enim ignoratis, corrigeremus quæ præter naturam se habent, et curare infirma est impossibile. Non tradidimus autem, nisi vel a nobis vel ab aliis experimento comprobata, et ratione certe cognita, ut certum sit aliter se habere non posse. Tuæ paternitati nos commendamus semper, et eam semper valere cupimus.

ANNO DOMINI MXCIX

**DEUSDEDIT**

SANCTÆ ECCLESIAE ROMANÆ PRESBYTER CARDINALIS TITULI APOSTOLORUM IN EUDOXIA

**NOTITIA HISTORICA**(Apud FABRIC., *Bibliotheca med. et inf. Lat.*, t. II, p. 25)

Densdedit, alias *Deodatus*, cardinalis presbyter et propugnator acris partium Gregorii VII pontificis, defunctus anno 1099. Scripsit libros quatuor *De verbis ecclesiasticis* ad Victorem III, Gregorii VII ann. 1086 successorem, sive Compendium canonum ms. in bibliotheca Vaticana; præterea librum quadripartitum *De privilegiis et auctoritate Ecclesie Romanae statusque ecclesiastici, et adversus rerum ecclesiasticarum invasores, Simoniacos et schismaticos, Guibertinos*, ut vocat anonymous Mellicensis cap. 113, et *Henricianos*, hoc est, qui cum Guinerto sive Clemente III antipapa, et Henrico IV imperatore faciebant, unde *Wigbertinam et Henricianam hæresim* jungit Urspergensis pag. 247. Mirum est his libris locum datum non esse in Bibliotheca maxima pontificia Joannis Thomæ Rocaberti.

**DISSERTATIO**

DE COLLECTIONE MANUSCRIPTA VATICANA CARDINALIS DEUSDEDIT.

*Aliquot documenta hactenus inedita complectens.*

(Vide Ballerini's Disquisitionem de antiquis collectionibus et collectoribus canonum, parte iv, cap. 14, Patrologie tom. LVI, opp. Leonis Magni III, col. 330.)

**CARDINALIS DEUSDEDIT****PRÆFATIO IN SUAM CANONUM COLLECTIONEM.**

Beatissimo atque apostolico viro pontifici domino papæ Victori tertio et omni clero sanctæ Romanæ Ecclesiae, Deusdedit, exiguis presbyter tituli Apostolorum in Eudoxia.

Novit beatitudo vestra quod sancta Romana Ecclesia idcirco omnium Ecclesiarum mater scribitur et creditur, quoniam B. Petrus ipsius institutor prius patriarchalibus sedibus in Oriente, et postea e latere

suo primos dedit pastores omnibus urbibus quæ sunt in Occidente. Ipsi apostolo haec ordinatio maxime competebat, cui principaliter Christus Dei Filius, cœlestis regni clavibus traditis, suas oves pascere jussérat, cuique fratres suos in eadem fide confirmare præcepérat. Cujus tam excellentissimi privilegii insignia munera diligenter attendentes 318 Patres qui in Niceno concederunt concilio, statuerunt (ut